

CHRIS

Dum



Cim 1921-
-1923

Autor,
cum,

quis esto
liber!

Theolog 3043 h

39. VI. 21.

Notandum ex hoc libro

Coel Melanctone. pag -- 215

quod sit Sacramentarius

De Proelio quod sit etiam

in nonnullis faueret 220.

1800

1800

D. O. M. A. E. C.

Disputatio VII.

COLLEGII CORPORIS DO-
ctrinae Prætenicarum Ecclesiarum,

DE DISCRI-
MINE LEGIS ET
EVANGELII.

SUB PRÆSIDIO

COELESTINI MISLENTÆ,
SS. Th. D. eiusdem, ut & Hebr. lin-
gvæ Profes. Ordinarij Consistorij
Sambiens. assessoris.

RESPONDENTE

MICHAELE JOH: CRAPH-
thio, Dano.

*Publicè in Auditorio majori
28. Septemb. habenda.*

REGIOMONTI,

Typis Laurentij Segebadii, Anno 1624.

V I R I S.

Magnificis, Nobilissimis, Reveren-
diss. juxta ac Ampliss. omnigenâ virtute
ac doctrinâ præcellentiss. DOMINIS PRÆ-
LATIS AC CANONICIS, Roeschils
densis Capituli laudatissimi, di-
gnissimis.

UT ET

*Admodum Reverendis, Clariss.
Præstantiss. Excellentiss.*

Dn. M. NICOLAO SIMONIDIS
Glostrupio, Diœcesum Norvegicarum Ag-
gerhusensis & Hammarientis Episcopo re-
ligiosissimo, amplissimo, vigilan-
tissimo.

Dn. M. TRUGILLO NICOLAI,
Scholæ patriæ Asloensis, Rectori
solertissimo.

D. BARTHOLOMEO ÆSCHILLIO
Ecclesiæ Hoybyanæ pastori
fidelissimo.

*Magnis suis Evergetis, Mæcenatibus
ac patronis*

*Αγώνισμα hocce Theologicum des-
dicat; studiaq; sua ulterius
commendat.*

MICHAEL CRAPHTHIUS. R.

Cum 1922 (2)

Disputatio VII.

DE DISCRIMINE
legis, & Evangelii.

Uo consilio auctores hujus
libelli præsentem de Lege lo-
cum, post articuli de Christo
(& ante articulorum aliorum
de peccato, libero arbitrio, Ju-
stificatione) repetitionem, col-
locare, & tractare voluerint; non juvat operosa
dissertatione prosequi. Breviter: præsentis ar-
ticuli repetitio de Lege, doctrinæ de Christo ejus-
que officio subiecta est, quia nemo vel cogitando
assequi potest, quamobrem necessum fuerit,
ipsum Dei filium hominem fieri; quantaq; res
sit officium Mediatoris, nisi ex lege didicerit,
ad qualem obedientiam, & ad quamtam pœnam
omnes obligati simus: Loco v. de Peccato, libero
arbitrio, & Iustificatione præmissa: Quia doctrina
de peccato tradi nequit; nisi ostendatur regula
Iustitiæ in mente divina: cui quicquid confor-
me non est, peccatum est. Sic etiam, si doctrina
legis non fuerit præmissa, seu verum obje-
ctum.

Cum virium humanarum, utiq; multa de libero
 arbitrio nimis philosophicè disputari possent in
 Ecclesià: Deniq; si quis non probe addidicerit,
 quantà severitate omnimodam eamq; perfec-
 tissimam obedientiam lex, ab omnibus flagret,
 impossibile erit, ut articulum de justificatione
 dextrè intelligat, & credat: quippe quem Chri-
 sti merita, adeoq; impletio justitiæ, & liberatio
 à maledicto legis, nec non imputatio faci-
 tionis gratuita ingrediuntur. Id quod semel
 pro semper monuisse sufficiat, ne ordinis ratio-
 nem in subsequentiis, radosè sæpius reddere,
 & repetere teneamur. Quibus præmissis, non ad
 pertractationem, & considerationem hujus Lo-
 ci de Discrimine Legis & Evangelii accingimus;
 ejus dignitatem, necessitatem & utilitatem sum-
 mam æstimantes: tantum namq; in hoc doctri-
 na capite positum est momenti, ut qui legem,
 ab Evangelio benè discernere noverit; ad tum-
 mum in Theologià fastigium se pertigisse cerro
 sibi persuasum jure habeat, sic pronunciant B.
 Luthero in Comment: super Galat. Qui benè no-
 vit discernere legem ab Evangelio: is gratias agat
 Deo & sciat se esse Theologum. Quantum è contra
 dispendii ex confusione Legis, & Evangelii pu-
 rior Ecclesiæ doctrina perpeti necessū habuerit,
 docent nos omnium temporum exempla, utpo-
 te Phariseorum, Pseudo Apostolorum, Pelagianorum,
 Pontificiorum, Anabaptistarum, crypto Calviniano-
 rum & Antinomorum aliorum: de quibus in An-
 tithesi ex professo.

Per texemus a. telam hujus instituti nostri
intra cancellos membrorum, in superioribus
disputationibus determinatorum.

I. SEDES HVIVS LOCI.

DE legi & Evangelii Discrimi- ne.

1. Desumptus & repertus hic est locus, Pri-
mò ex August. Confess. art. XII. de Pœnit. ubi verba
sic habent : *Constat pœnitentia propriè his duabus
partibus : Altera est contritio seu terrores incusæ
conscientiæ agnito peccato : Altera est fides, quæ con-
cipitur ex Evangelio, & credit propter Christum
remitti peccata, & consolatur conscientiam, & ex
terroribus liberat &c.* Hic innuitur discrimen
inter legem & Evangelium illius officium describi-
tur, quod efficiat contritionem; seu terrores con-
scientiæ incutiat, agnitionemq; peccati pariat :
Hujus v. innuitur à procreatione fidei.

Deinde ex Apologia, primò quidem Artic.
IV. de justis. ubi, sic scriptum legitur : *Uniuersa
scriptura in hos duos locos præcipuos distribui debet
in legem; & promissiones h. e. Evangelium. Aliàs n.
legem tradit, aliàs tradit promissionem de Christo h.
e. Evangelium, videlicet cum aut promittit Christum
uenturum esse, & pollicetur propter eum remissionem
peccatorum, justificationem & vitam æternam; Vi-
deantur ibidem plura in subsequentibus, ac lu-
culentum discrimen inter legem & Evangelium*

inde eruetur. Deinde Art. XII. de Pœnit. quando inter cœtera sic differit: Hæc sunt duo præcipua opera in hominibus, perterrefacere, & justificare, ac vivificare perterrefactos. In hæc duo opera distributa est unipersa scriptura. Altera pars lex est quæ ostendit, arguit, & condemnat peccata. Altera pars Evangelium h. e. promissio gratiæ in Christo donata &c.

Tertiò ex Articulis Smalcaldicis & quidem parte tertiâ Art. II. sic autem verba habent: Præcipuum a. officium & évêysia Legis est, ut peccatum originale, & omnes fructus ejus revelet, & homini ostendat, quam horrendum in modum natura ejus lapsa sit, & funditus ac totaliter depravata, ita ut Lex ei dicat: hominem nec habere, nec curare Deum, & adorare Deos alienos: Id quod autem, & sine lege, homo non credidisset. Hac ratione perterrefit, humiliatur, prosternitur; desperat de seipso, & anxie desiderat auxilium; nec scit quò fugiat; incipit irasci Deo & obmurmurare Deo præ impatientiâ. Rom. 4. & c. 5.

Confer artic. III. de Pœnit. ubi destincta officia legis & Evangelii pluribus inculcantur, & ex professo in Art. IV. de Evangelio.

Quartò ex scriptis B. Lutheri, ad quæ non minus, quàm ad modo commemoratos libellos symbolicos, auctores nostri provocant: inter reliqua v. instar phosphori lucet commentarius ad Galatas, quippe in quo utilissima hæc doctrina aliquoties gravissimis verbis proponitur, & dilucidè illustratur, præsertim super Cap. 2. &

3. ad Gal. Vide insuper Tom. 2. Ienens. Germ. fol. 479. seq. 1. Tom. 6. Ien. Germ. f. 289. Tom 7. Ien. Germ. fol. 368. seq. Tom. 1. Latin. Ienens. f. 516. Tom. 4. Lat. Ienens. fol. 102. 304. 398. 323. & seq.

II. Summa hujus doctrina, prout in libello nostro pertractatur.

I. Repurgatur in presenti loco, doctrina *Legis & Evangelii*, propositio in medium utriusq; officio genuino. Nam Legis ministerium, seu officium est, ipsum peccatum, & peccati stipendium revelare, atq; ita condemnationem, & mortem annunciare. *Contra v. Evangelii* officium est docere, & monstrare illam justitiam, qua coram Deo justificemur, h. e. à peccatis absolvamur, & acceptemur ad vitam æternam, 2. Cor. 3. Gal. 3.

II. Discrimen *legis & Evangelii* proponitur, nec non verus usus defenditur, partim contra Pontificiam Ecclesiam: partim contra Antinomios, quippe tum doctrinam Legis ex Ecclesiâ 16. impiè proscribentes, tum pœnitentiam ex Evangelio 29. perversè urgentes, Evangeliumq; nil aliud quàm concionem Pœnitentiæ esse, contendentes: propositis in medium ingentibus incommodis 30. ex Schismate Antinomico pullulantibus, subjunctâ insuper severa animadversione divinâ ab auctores confusionis: si n. ipsi ab hac præscriptâ 31. Regula ordine & loco suo urgendi legem & Evan-

M 4

Evangelium aberraverint; Deus in poenâ ab
ipſis non aberrabit: Et quod talis aberratio ſic
ipſiſſima proditio miſeri gregis Dominici, ad
æternam perniciem.

22.6. III. Deniq; defenditur Tertius uſus legis
contra libertinos & novos Antinomos, contem-
dentes: legem renatis non eſſe in hunc finem
proponendam, ut ſit norma docens, ac mon-
ſtrans certa opera, in quibus Deus velit renatos
exercere novam obœdientiam. Cum tamen Sp.
ſanctus, renatis non permittat illam libertatem,
ut quomodocunq; velint, Deum colant cultibus
electitiis: qui vel propria intentione excogitati
vel hominum traditione inſtituti ſint Col. 2.
Matth. 15.

Sed potiùs ducat ac gubernet renatos in
ſtadio Nov. obœdientiæ, juxta verbum in lege
præſcriptum: ut bona opera ipſorum, ſint veri
cultus Deo accepti, quod fieri non poteſt, ſi ope-
ra illa non habeant mandatum, & verbum Dei,
juxta effatum B. Lutheri in præfat. V. T.

III. EXEGESIS THESEOS præſentis doctrinæ.

1. De tribus igitur in Theſeos orthodoxæ
explicatione nobis agendum erit. I. De officio
legis, & Evangelii genuino. II. De legē, & Evana-
gelii proprio discrimine; Deniq; de Tertio uſu Legis.

DE

DE PRIMO.

2. Ad pleniorē primi membri explicatiōnem probè expendenda veniunt 1. tam legis quam Evangelii distinctio & genuina acceptio 2. Utrūq; peculiaris definitio 3. propriarum affectionum enumeratio, quæ tum Legi tum Evangelio scorsim competant. Sic namq; officium Legis & Evangelii genuinum sponte suâ emerget.

I. LEGIS DISTINCTIO, & genuina acceptio.

3. Legis vocabulum in sacris simpliciter usurpatum reperitur 1. pro quavis doctrina, ut etiam Evangelium includatur Es. 2. v. 3. Jer. 31. vers. 33. Id quod asseruit Varinus qui per *νομὸν* etiam *τὸ εὐαγγέλιον* intelligit.

2. Pro universa scriptura V. T. sub quâ includuntur 1. Lex 2. Prophetæ & 3. Psalmi Luc. 24. v. 44. hoc sensu capitur Joh. 7. v. 49. Rom. 3. 39.

3. Pro libris Mosaicis vel Pentateucho Matth. 7. v. 12. Luc. 24. v. 44. Rom. 3. 21. quo sensu Moses ipse pro libris Mosaicis innuitur. Act. 15. vers. 21.

4. Pro lege Ceremoniali Luc. 2. v. 22. 1. Cor. 9. v. 20.

5. Pro lege Forensi, vel iudiciali Act. 23. v. 3.

6. Pro inclinatione, vi, & impetu ad aliquid

M. S.

impel-

impellente. Sic intelligi debet Lex membro-
rum Rom. 7. v. 23. Lex peccati, & mortis Rom.
8. v. 2. Uni per legem intelliguntur reliquæ ve-
tustatis, vel propensio ad malum: cui opponi-
tur lex Spiritus vitæ, h. e. primitiæ novitatis,
vel propensio ac inclinatio ad bonum.

7. Pro lege Morali, vel doctrinâ Decalogi
Rom. 2. v. 12. 14. c. 3. v. 19. 20. 21. c. 4. v. 14.
15. cap. 7. v. 7. Gal. 3. v. 10.

Ubi notandum: legem hac in significatio-
ne capi 1. vel *συνδεσµωτικῆς* aut pro primâ, vel
pro secunda Tabula; sic Rom. 13. v. 8. intelli-
gitur secunda tabula 2. vel *μελεωρῶντικῆς* idq; vici-
sim vel per modum adjuncti, & sic lex capitur
pro rigore legis Moralis, ipsâq; adeo maledic-
tione. 2. vel per modum effecti, ita lex capitur
pro operibus legis Gal. 2. v. 21. 5. v. 18. Atq; ita in
septima ac postrema significatione Lex, pro ut
in Decalogo comprehenditur summatim, in
presenti loco consideratur.

II. LEGIS MORALIS Definitio.

4. Plurimæ circumferuntur legis moralis
definitiones, hinc inde desumptæ, de quibus vi-
deatur Dn. Charnut. par. 2. Loc. Com. c. 2. fol.
4. nobis hæc potior & acuratiores esse videtur:
Lex moralis est æterna, ac immota sapientia & Regula
justitiæ in Deo, hominibus in primâ creatione in data,
postea

postea v. sepius repetita & declarata: requirens perfectam naturæ, omniumq; actionum nostrarum sanctitatem, & obœdientiam erga Deum, & proximum, prohibensq; contraria: ac obœdientibus quidem promittens vitam æternam; immorigeris autem denunciens iram Dei, corporales & æternas pœnas, nisi facta fuerit remissio & reconciliatio propter Christum Mediatorem.

5. Descriptio hæc est causalis mentione facta 1. Causæ Efficientis, sub quâ comprehenditur modus revelationis geminus, unus creationis, alter repetitionis vel declarationis 2. Materialis in quâ h.c. hominum; Job. 28. v. 28. Syr. 17. f. Rom. 1. v. 20. c. 2. 14. circa quam h.c. omnium virium humanarum; omniumq; actionū 3. Formalis consistentis in exactione & præceptione rigorosa perfectissimæ sanctitatis, & obœdientiæ erga Deum, & proximum; Deut. 6. v. 5. Matth. 622. v. 37. Marc. 12. v. 30. Luc. 10. c. 27. & in prohibitione contrarii 4. Finalis tum per se, quæ est vita æterna Levit. 18. v. 5. Ezech. 20. v. 11. Rom. 10. v. 5. Gal. 3. v. 12. tum per accidens, quæ est ira Dei, & pœnæ, tam temporales, quàm æternæ, Deut. 27. v. 26. Gal. 3. v. 10. Reliqua ex affectionibus plenius intelligentur.

III. AFFECTIONES legis Moralæ.

I. Lex moralis est æterna, & immutabilis Regula

gula iustitiæ divinæ. Inculcatur hoc Theoremate
 formalis proprietas ac determinatio, quâ par-
 tim lex moralis differt à legibus ceremonialibus,
 & forenſibus: utraq; n. harum cessavit in N. T.
 Lex v. Moralis, durat in perpetuum, nec qui-
 dem in vitâ futura cessabit. Ratio, est n. expressa
 imago interni conceptus divini, juxta quem
 homines vitam suam instituere coguntur; adeo-
 que est Norma vel Regula vitæ Deo placentis
 omni tempore. *Limiat*: Quando a. lex à Theo-
 logis dicitur esse abrogata: id intelligendum est,
 primò ratione justificationis: non n. data est lex
 quæ posset vivificare. Rom. 8. v. 3. Gal. c. 3. v. 16. 17.
 21. 2. ratione maledictionis, Rom. 7. v. 4. 5. Gal. 3.
 v. 10. 13. 3. ratione condemnationis, Rom. 8. v. 1. 4.
 ratione accusationis Ro. 8. 33. 5. ratione coactionis
 faciendi bonum, metu pœnæ 1. Joh. 2. v. 1. 2. c.
 5. v. 3. 4. 6. ratione rigorosæ exactionis Col. 2. v.
 14. partim etiam hac proprietate differt Lex Mo-
 ralis ab Evangelio: uti namq; Lex est norma
 divinæ iustitiæ, ita Evangelium Misericordiæ, quâ
 de re paulò post.

II. Lex Moralis est per totam scripturam V. T.
 sparsa: in Decalogo verò summatim comprehensa.
 Non est cogitandum, ac si Decalogus, duabus
 illis tabulis constringatur, vel solis illis Mosai-
 cis V. libris, aut scriptis prophetarum V. T.
 comprehendatur, ut ita ad N. T. non pertingat.
 Contrarium n. deprehendimus, adeò, ut in unâ
 sæpè eademq; sententiâ ac versículo, simul Lex,
 &

& Evangelium contineatur, tam in Vet. quàm
in N. T. v. g. Esa. 1. vers. 27. 18. Matth. 11. v. 28.
Matth. 17. v. 5. cap. 22. v. 2. Luc. 14. v. 6. Ioh. 3.
v. 18. c. 3. 36. Mar. 16. 16. Act. 2. v. 38. c. 10. vers.
42. 43. Rom. 11. 34. Breviter Quicquid ostendit pec-
catum, iram, ac mortem; pertinet ad legem in V. &
N. Test.

III. Lex Moralis est perfectissima. Duplex est
consideratio legis morales vel Decalogi, 1. Ge-
neralis ac Epitomica, uti modò dictum, quæ to-
tius legalis systematis naturam & affectionem
expendit: & sic lex morales dicitur esse perfe-
ctissima, videlicet ratione præceptorum genera-
lium: siquidem 1. Modos rerum agendarum ex-
primit; 2. Genera rerum omnium continet, in
quibus actiones hominum occupantur; quæ duo
in omni mandato ac præcepto spectari debent. Quibus
adde, quod lex sit Regula iustitiæ divinæ perfe-
ctissimæ.

I. Specialis ac Diexodica, quatenus singulo-
rum præceptorum acuratiorem pertractat Diexo-
don. ubi multa occurrunt præcepta, quæ in De-
calogo non exprimuntur, ut Mar. 10. v. 19. Matth.
v. 12. c. 2. v. 39. Quò pertinent Judæorum præce-
pta 613. alia, Quæ tamen omnia ad præcepta ge-
neralia optimè reduci possunt.

IV. Lex Moralis exigit perfectam, & omnibus
numeris, ac modis absolutam Naturæ, virium & actio-
num nostrarum integritatem, & perpetuam cum iusti-
tiæ divinæ conformitatem, ac obedientiam. Ratio,
est

est, n. Lex Moralis Norma iustitię divinę: qu
uti perfectissima est, na perfectionem omnimo
dam à nobis requirit: ubi perfectio absoluta &
omnimoda spectatur: 1. *Subiecti* quod præter
Angelicam, est natura humana, non ex aliqua
sui parte, sed *ex toto*. Atq; ita ab homine exigi
tur legalis perfectio, non secundum animam tan
tum, nec secundum corpus tantum, sed secun
dum corpus & animam simul: Non enim soli ma
nui dictum est: *Non occides*; sed toti homini
cujus pars altera potissima est anima, cum omni
bus suis affectionibus, facultatibus, & potentiis
viribus, & actionibus: quales sunt, quę partim
ab intellectu partim à voluntate profiscuntur; al
tera vero corpus cum omnibus suis mēbris prin
cipalioribus, ac minus principalibus, vel minu
tissimis. Huc igitur spectat Christi illud Matth.
22. v. 37. 39. repetitum ex Deut. 6. v. 5. Quo re
quitur 1. *Natura* omnibus modis integra ac sa
na 2. *perfectio* & integritas omnium virium, co
gitationum, verborum ac actionum 3. *interni*
& *externe* obœdientię summa perfectio. II. *Ob*
jecti, quale est tūm primę; tūm secundę tabulę
ubi triplex ratio objecti occurrit 1. *Directioni*
vel *Normale* suntq; omnia omninò præcepta pri
mę & secundę tabulę, tūm *affirmativa* tum *nega*
tiva, ex æquo satisfactionem & obœdientiam
exigentia: ubi si quis in uno fuerit prævaricatus
reus omnium pronuntiatur. Iac. 2. v. 10. & u
maledictus proclamatur Deut. 27. v. 26, Matth

5. v. 19. Gal. 3. v. 10. 2. *occupationis* suntq; vir-
tutes, virtutumq; actiones, *partim* ad cultum
Deo debitum, *partim* ad proximi dilectionem
pertinentes. Vbi per omnia perfectio in summo
gradu requiritur: & e contra omne ab imperfectio-
ne suspectum, seu vitium & peccatum ipsum repudia-
tur, nec acceptatur in fora iustitiæ divine.

3. *Dilectionis* quod est nempe 1. ipse Deus, 2.
proximus 3. propria cujuslibet persona. Utro-
biq; intensissimus dilectionis gradus exigitur,
potior tamen Dei seu objecti adorabilis & dili-
gibilis simul: Ideoq; dilectio heic requiritur ex
toto corde, ex tota anima, & ex totis viribus:
posterior proximi, utpotè seu objecti diligibilis
tantum. Mentione a. proximi innuuntur non
solum nostri cognati & consanguinei, verum
etiam extranei; nec solum amici; verum etiam
inimici, ii insuper qui nos persequuntur: His
enim jubemur primo benedicere 2. benefacere
3. pro illis orare Matth. 5. v. 43. 44. 46. 47. po-
stremus nostrimet ipsorum, post ponenda enim
dilectio nostri, dilectioni Dei & proximi.

III. *Temporis*: Obœdientia namq; & satis-
factio Legi Dei debita, nullam admittit inter-
ruptionem temporis, ne ad momentum quidem:
ta ut nimirum una horâ, Deum colas, adores,
negatamq; diligas, altera v. à pietate ac dilectione
emittas, aut hac horâ proximum, vel etiam
& ut inimicum tuum diligas, eiq; benefacias, aliâ
verò cum odio prosequaris, maledicis proscin-
das,

das, & malefactis excipias: è contra vero requiritur constantissima, interrupta, invariata, & nullo temporis momento mutabilis obœdiendi & satisfaciendi legi Dei perfectio. Ratio. Uti namq; Deus est invariabilis, immutabilis in sua 1. Essentia 2. veritate 3. Sanctitate & 4. iustitia: ita invariabilem, ac immutabilem cum lege sua, seu iustitiæ suæ Normâ ac Regulâ perpetua, exigit à nobis conformitatem ac incessantem obœdientiam.

V. Legem Moralem nemo hominum vel sanctissimorum in hac vita ex toto implere potuit; Christo excepto; nec jam potest, poteritve unquam ante statum gloriæ. Ratio in promptu est, 1. ex parte subjecti h. e. hominum omnium qui Christo solo excepto, omnes ad unum sunt originali labe infecti, manet quippe in omnibus fomes peccati etiam post justificationem, & regenerationem, ubi nulla distinctio: uti Exemplum vel sanctissimorum comprobatur Rom. 7. v. 14. seq. qui de concupiscentiâ, seu lege peccati originalis conqueruntur ibid. vers. 7. 17. 20. ob idq; suam miseriam deplorare vers. 24. ac confiteri Psal. 51. vers. 1. seq. Proverb. 20. vers. 9. 1. Reg. 8. vers. 46. Es. 64. vers. 6. Dan. vers. 5. 7. 18. Iacob. 3. v. 2. Ioh. 1. v. 8. Phil. 3. vers. 2. ac pro remissione huius & aliorum peccatorum orare Psal. 19. vers. 13. & 32. vers. 6. & 30. v. 2. 143. v. 2. necessum habuerunt. Alia ratio fuit hominum in statu integritatis, eritq; in statu gloriæ: utrobiq; excipiuntur ab imperfectione; in illo quidem ob imaginem divinam.

con-

re-
ata,
bo-
atio.
sua
ta in
stie
infor
concreatam, ac consistentem in perfecta sancti-
tate & iustitia Eph. 4. v. 24. in futuro verò ob-
restitutionem plenissimam bonorum lapsu Adæ
deperditorum, per Christum recuperatorum,
in statuq; gratiæ, nobis à Christo impuatorum,
2. inchoativè nobis collatorum, in altera demum
verò vita consummativè in nobis complendorum
1. Cor. 15. v. 21. 22. 49.

2. Ex parte prædicati 1. Legis Moralis, quæ
quia spiritualis est, Rom. 7. v. 14. utiq; talem re-
quirit obœdientiam, & satisfactionem uti mo-
dò dictum fuit 2. actus implendi, non partialis,
sed totalis, qui omnibus sanctissimis prorsus
impossibilis in hac vita, Act. 15. 10. Es. 9. v. 6.
Rom. 8. v. 3. 7.

3. Ex parte obœdientiæ Christi, legi perfec-
tissimæ præstitæ, loco vel vice nostri: quod
nim impossibile erat legi, quæ per carnem nos-
tram infirmabatur, Deus per filium suum in hunc
mundum missum præstitit, ut justificatio legis
compleretur in nobis Matth. 5. v. 17. Rom. 8. 3. 4.
& 13. 38. Ac 4. si impletio legis fuisset nobis
possibilis, utiq; 1. frustra Christus in carnem ve-
nisset Gal. 2. v. 21. 2. possibilis etiam fuisset
nostra ex lege justificatio, At vero nulla data
est Lex, quæ posset justificare Gal. 3. v. 18.

VI. Per legis Moralis observationem, nullus ho-
minum in mortali hocce corpore, iustitiam, vitam &
gloriam æternam promereri potest poteritè.

Ratio patet ex supradictis. 1. Quia lex re-
N
quirit

quirit perfectissimam obœdientiam, & plenariam satisfactionem; jam v. nullus hominum reperiri potuit, potest, poteritvè, extra statum integritatis & gloriæ, qui conditionem legalem ex assè & ex toto implere potis fuerit, etiam namq; possit. Proindè licet lex promittat justitiam, & vitam æternam; sed tamen cum conditione perfectæ obœdiētix; quâ deficientes deficiunt etiam conditionatum, sive promissum obiectum *Lev. 18 v. 5. Ezech. 20. v. 11. Gal. 3. v. 17. 2. Qui lex non proponit nobis causas justificationis salutis, & vitæ æternæ, quales sunt: gratia Dei Christi meritum, & fides salvifica Rom. 3. v. 28. Act. 17. vers. 11. licet Lex sit ministra gratiæ & præparatrix ad gratiam, uti B. Luth. inquit: Non tamen offert gratiam, sed exigit rigorosè opera quæ aliàs à foro justificationis ac à conspectu Dei excluduntur Eph. 2. vers. 8. Hinc August. de Spiritu & lit. cap. 19. Lex datur ut gratia quaeratur: Sic est lex quantumvis incredulitatem in Christum damnet; attamen Christum non docet; ducit quidem ad Christum instar pædagogus cogit quærere medicum: ipsa tamen cum non docet nec proponit Gal. 3. vers. 24. Deniq; exigit Lex fidem; nec tamen nos fide instruit: Proinde, Lex Moralis, instrumentum fidei directum non potest, nec debet statui; sed indirectum, & inadæquatum: jubet credere omni verbo Dei; omnibusq; insuper promissionibus Evangelicis: Ipsa v. Lex tale verbum non proponit. Non igitur ex lege est justificatio*

tio, sed per fidem Jesu Christi Gal. 2. v. 16. Et quod lex imperat, hoc fides impetrat, inquit Aug. term. 39. in Joh.

VII. Lex Moralis, licet ipsa non justificet, proponenda tamen est ac urgenda in Ecclesiâ, propter usum suum genuinum ac proprium triplicem 1. πολιτικόν 2. ἐλεγχτικόν & 3. διδασκλικόν.

Illo lex inservit nondum renatis, à quibus Deus severè flagitat disciplinam, ita ut legis violationem horribilibus pœnis etiâ in hac vita puniat: & contra servantibus disciplinam, etiâ non renatis, externas renumerationes tribuat ad conservandam publicam societatem, & ad Christi Ecclesiæ propagationem. De hoc usu Apostolus I. Tim. 1. v. 9.

Isto inservit justificandis, quibus evadit ministerium, non vitæ; sed mortis: eos non vivificat; sed occidit 2. Cor. 3. 1. peccata accusando, & ostendendo non solum manifesta, sed etiam occulta, rationiq; ignota, qualis est concupiscentia Rom. 7. adeoq; totam vitam damnando quæ non sit ex fide, ut ita homo in agnitionem sui deveniat, 2. peccata exaggerando, monstratâ magnitudine, & abominatione peccati; iisq; comminationes de ira Dei, & æternis pœnis addendo: ut inde peccatum, sit excellenter peccatum per legem. 3. terrendo secura corda, & pariendo contritionem agnitionemq; peccatorum, undè lex dicitur medium, vel instrumentum contritionis, & pœnitentiæ. Lex n. est virtus peccati,

cati. Cor. 15. v. 56. ac iram operatur Ro. 4. v. 15.
4. ad gratiam preparando; verberibus suis
peccatorem ad promissionem gratiæ urgendo;
ad Christum ducendo et compellendo. Est enim
lex Pædagogus ad Christum Gal. 3. v. 24. ut
supra dictum. Hoc, videl: Tertio, inservit jam
justificatis ac renatis, præscribendo Normam nopi-
tatis vite, ac bonorum operum. Qua de re infra
Memb. 3.

II X. Lex usurpanda non Evangelicè; sed lega-
liter 1. Tim. 1. v. 8. H. e. Lex quidem in vero
suo usu, est bona, sancta, justa, Rom. 7. v. 11. 12.
sed nequaquam in articulum justificationis col-
locanda. Ita tempore Christi, Pharisei legem
in forum justificationis trahentes; eamq; evan-
gelicè usurpantes, ex bona reddiderunt malam,
ac in conspectu Dei gratiæ inutilem. Sic lex
tempore Pauli, metas proprias egressa, hono-
rem Deo debitum sibi arrogabat: ideoq; igno-
miniosa meruit nomina, ut audiret ministe-
riunt mortis, egena mundi elementa Col. 2. 2.
Cor. 3.

IX. Quantum doctrina Legis in vero suo usu
obscuratur: tantum de Evangelio amittitur.

Ratio, est enim præcipuus Evangelii arti-
culus, de justificatione, is verò neutiquam,
dextrè intelligitur; non traditâ & explicatâ
legis doctrina. Nam Evangelium proponit ac
offert nobis Christi merita, cum omnibus be-
neficiis; hæc verò definiuntur tum impletione
justitiæ

justitiæ legis, tùm liberatione à maledictio legis.
Deindè proponitur in articulo justificationis, ut
liberationem à maledictio legis apprehenda-
mus: utiq; seriò considerandum est, quid sit
Lex; quidq; maledictio.

Satis de lege, differendùm etiam paucis
erit de Evangelio.

1. EVANGELII DISTIN- ctio & acceptio propria.

7. Evangelium componitur παρὰ τὸ εὐ-
μόριον ἢ τὸ ἀγγελία, h. e. à particula adverbiali
benè, & annunciatione, auctore Varino, λέ-
γεται δὲ εὐαγγέλιον παρὰ τὸ τὰ κάλιστα ἀπαγ-
γέλλον (vel ut Suidas habet διαγγέλλον) τὸ ἀγα-
θὸς ἀγγελίας φέρων: ideo quod optima denun-
tiet & bonas denunciationes ferat.

8. Reperitur terminus Evangelii, tùm ap-
autores profanos, Plutarchum & Homerum: tùm
in codice sacro tam V. quam N. Test.

9. In V. T. vox עֲוָנִים innuit Evangelium,
in triplici significatione, de re utrobivis lata &
gratà, 1. pro annunciatione profligatorum ho-
stium, à quibus periculum imminebat, 1. Sam.
c. 31. v. 9. 2. Sam. 1. v. 20. c. 4. v. 10. c. 18. v. 19. 2. pro
annunciatione rei magnæ 2. Reg. 7. v. 9. 10. 3. pro
annunciatione liberationis ex captivitate, item con-
solationis Es. 61. v. 1. 2. Jer. 20. vers. 15. Zach.
9. v. 11.

10. In N. T. triplex significatus Evangelii occurrit, primò generalis pro universa doctrina legis, & Evangelii simul. Marc. 1. v. 14. Luc. 9. 16. Act. 20. v. 21. 24. 2. Specialis pro historiâ ab Evangelistis conscriptâ, vel libris Evangelistarum 3. specialissimus ac propriissimus, pro concione de beneficiis Messiae tam in Vet. quam in N. T.

Evangelii Definitio.

11. Varinus sic definit Evangelium: Ευαγγέλιον ἐστὶ κήρυγμα τῆς νέας σωτηρίας, ἡ λόγος περιέχων ἀγαθὴ παρυσίαν. h. e. Evangelium est concio novae salutis, vel sermo complectens boni praesentiam. Quia v. descriptio hæc est nimis generalis, & manca, nos pleniorē proferimus.

12. Est igitur Evangelium, *Mysterium eternis temporibus tacitum, & ex arcano consilio Deitatis per Filium prolatum: in quo Deus ex immensa misericordiâ, propter filium suum, gratis promittit remissionem peccatorum, justitiam, s. Sanctum, & vitam eternam, omnibus hæc promissa bona fide amplectentibus.*

13. Generis loco ponitur Mysterium ex Rom. 16. v. 25. 26. Eph. 3. 9. Col. 1. v. 26. quod proprius est quam doctrina quæ etiam legi competit, ubi simul differentia Evangelii à lege innuitur, hæc enim est naturâ nota; hoc verò ignotum, ac ex revelatione, ac patefactione divinâ demum

demum patescit ac innotescit: Porro causa *Materialis* innuitur mentione *subjecti* ad quod promissio Evangelii dirigitur, quale sunt omnes homines: Et *objecti* seu rerum promissarum in Evangelio, videt: remissionem peccatorum, justitiam Spiritus S. & vitam: *Formalis* v. consistit in modo promittendi gratuito, ex immensa misericordia, propter Christi meritum. *Finalis* denique intermedia quidem Fides; quam ceu effectum Evangelii S. Sanctus intendit. quod homines omnes promissiones illas sibi applicent. *Ultima* v. salus & vita eterna.

Affectiones Evangelii.

I. Evangelium est unicum ac ratione substantiae sibi semper simile.

Ratio 1. est enim decretum ac consilium Dei aeternum, Ergo etiam unum ac invariabile: Deus enim uti in essentia; ita in consiliis, & decretis suis est immutabilis Mal. 3. vers. 6. 2. quia una, & eadem est Evangelii doctrina, per Prophetas, & Apostolos praedicata, de Christo ejusque beneficiis, morte ac passione sua acquisitis. Rom. 1. v. 1. c. 16. v. 26. 1. Pet. 1. v. 10. 3. quia una fides Eph. c. 4. v. 5 Et quia una & eadem salutis ratio Act. 4. v. 12. c. 10. vers. 43, c. 15. vers. 11.

II. Evangelium est aeternum Rom. 16. v. 25.

Eph. 3. v. 9. Col. 1. v. 26. Ap. c. 14. 16. Ratio
1. decretum enim ab æterno in consilio S. S.
Trinitatis 2. de agno ab origine mundi occiso.
Ap. 13. v. 8. de Christo qui est heri, hodiè & in
secula Heb. 13. v. 8. 3. de iustitiâ æterna Dan. 9.
v. 24. 4. de salute ac vita æterna; ut & de gra-
tia nobis data ante tempora æterna 2. Tim. 1.
v. 9. juxta Testamentum æternum Heb. 13. v.
20.

III. *Evangelium est rationi humane abscondi-
tum, ideoq; citra revelationem nemini cognitum* 1.
Cor. 2. v. 7. 8. 9. 10.

IV. *Evangelium est Norma Misericordie di-
vine.*

Ratio 1. quia objectum Evangelii totale est
gratuitum, & misericordie divine soli adscribendum:
Nam quicquid Evangelium promittit; illud omne est
gratuitum, excludens nostra opera, merita, ac digni-
tatem. 2. quia omnia effecta Evangelii sunt
gratuita, ut sunt 1. patefactio voluntatis divine 2.
datio ac confirmatio fidei, 3. oblatio remissionis
peccatorum; 4. donatio Spiritus S. 5. liberatio à
morre & peccato, 6. conciliatio gratiæ Dei, pa-
cis, gaudii, iustitiæ, adoptionis in filios, con-
fortii divine naturæ 7. largitio spei, salutis ac
vitæ æternæ.

V. *Evangelium est universale: ratione* 1. Tem-
poris 2. subjecti, 3. obiecti & 4. loci. Temporis qui-
dem, quia unum ac idem quovis tempore: 2.
Subjecti, quia ad omnes homines directum, & pro-
mulga-

mulgatum, ex consilio ac beneplacito divino, atq; ita concernit non tantum electos, sed etiam reprobos. Joh. 3. v. 16. Rom. 5. v. 10. c. 11. v. 32. 1. Tim. 2. vers. 4. 2. Pet. 3. v. 9. 3. *objecti* promissi, quale est, 1. Christus cum omnibus suis meritis ac beneficiis: 2. omnes promissiones Evangelicæ, ac salutem offerentes: aded ut in Evangelio omnis ratio divina salvandi homines contineatur & reveletur, nulla reticeatur Act. 20. v. 27. 4. *Loci* quia prædicatum est, & adhuc prædicatur in *omni loco* sub sole, in toto mundo ac apud omnes creaturas ac gentes Matth. 28. v. 19. Mar. 16. v. 15. Luc. 24. v. 47. Col. 1. v. 6. 23.

Vl. Deus per Evangelium, ratione oblationis, ex parte sui, fidem seu finem externum in omnibus hominibus producere intendit: ratione applicationis & collationis verò, fidem seu causam organicam jam productam exigit, præsupponit, & attendit.

14. Evangelium duplicem sortitur respectum 1. Causæ instrumentalis, vel organicæ, non quidem ex parte hominum; sed Dei, per quam fidem in cordibus hominum accendit, modò obicem ipsi spiritui sancto non ponant, aut media divinitus oblata non aspernentur. Unde etiam Evangelium vocatur *lex fidei* Rom. 3. v. 27. *verbum fidei*, c. 10. v. 8. Est namq; Evangelium fidei justificantis adequatum, directum, & proximum instrumentum. Et sic fides est effectus Evangelii; eoq; naturâ posterior. Proinde promissio-

nes Evangelii non possunt fidei conditione limitari hoc pacto, uti volunt ineptientes Calviniani. 2. Causæ materialis, vel objecti sive rerum promissarum, dum actu conferuntur nobisq; applicantur: tunc fides subit rationem, non effectus; sed causæ, organicæ tamen, apprehendentes beneficia, Evangelio divinitus oblata. Atq; hoc respectu, promissiones divinæ ad certos homines restringuntur & limitantur, nimirum ad credentes solos.

15. Pariter Fides respectu Evangelii, dupliciter consideratur. 1. Sub notione causæ finalis, intermediæ nimirum, cujus gratia revelatum, & divinitus est propositum. Et sic fides respectu Evangelii quoties hoc prædicatur, non est in actu, sed in potentiâ, non de præsentî, sed de futuro; non in facto; sed in fieri & in intentione. 2. Sub notione mediæ vel organi; quo homo bona in Evangelio promissa & oblata amplectatur: adeoq; iusticiam & vitam æternam consequatur, & sic fides attenditur esse de præsentî; ut producta, adeoq; in executione.

16. Ex hæcenus præmissis, cum Legis, tum Evangelii, officium genuinum ultra patet. Breviter; Quæcunq; obædientiam à nobis fligant, & inobædientibus poenam denunciant: omnia officium legis exercent. Et contrò: Quæcunq; dicta scripture sacræ, loquuntur de collatione beneficiorum, Christi merito acquisitorum: de iustificatione, & regeneratione; de gratia & dono per gratiam; de impu-

tatione

tatione
omni

17
ex pr
vibus
est tū

18.
tionib
dine, u
per V
promi
nis C
doctr
mod

19
Lex
na ig
tione
flitia

non
lex p
obje
circa
git op
vange
argui

tatione iustitiæ Christi; de Spiritus S. donatione; ea omnia Evangelii officium deprædicant.

DE SECVNDO.

17. Descrimen porrò legis, & Evangelii, ex præcognitis facili negotio venari licet; brevibus tamen utriusq; hoc membro indicanda est tùm convenientia; tùm differentia.

18. Conveniunt *lex & Evangelium* 1. Appellationibus, utrumq; enim est verbum Dei 2. latitudine, utrumq; enim doctrinæ genus sparsum est per V. & N. T. 3. perfectione, 4. duratione 5. promissione vitæ æternæ 6. in praxi & in hominis Christiani pectore 7. objecto, utraq; enim doctrina, versatur circa peccatum; utut diversimodè.

19. Differunt 1. Appellationibus: quoties n. Lex Evangelio opponitur, tunc sortitur nomina ignominiosa, Evangelium v. gloriosa 2. definitione 3. affectionibus 4. principio, lex enim est iustitiæ divinæ, Evangelium vero Misericordiæ *ἐλεος*. 5. cognitione, Lex enim natura nota; non autem Evangelium 6. ordine doctrinæ, lex prius est tradenda, postea Evangelium 7. objecto, lex circa facienda versatur, Evangelium circa credenda: 8. conditione formali, lex exigit opera ac perfectissimam obædientiam; Evangelium verò fidem 9. Effectis Lex peccatum arguit, demonstrat, terret, damnat, occidit: *Evange-*

Evangelium consolatur, salvat, & vivificat. Lex monstrat bona opera, ast vires non sufficit faciendi; Evangelium vero largitur Spiritum S, Jer. 31. v. 33.

20. Pertinent huc Theoremati 1. Lex & Evangelium mutuò ab invicem distant; ut cœlum & terra, lux & tenebræ; dies & nox: Luth. sup. Gal. 6. 2.

2. Moses & Christus, Lex & Evangelium, sub unum genus doctrinæ referri nequeunt. Joh. 1. v. 17. 1. Tim. 1. v. 15.

3. Lex Moralis in toto suo ambitu, opponitur toti justificationis negotio in Evangelio patefacto. Nam, ut Decalogus, opponitur Evangelio ipsi; ut rigor legis, & maledictio, opponitur gratiæ; ut opus legis, opponitur Christi merito, & fidei.

21. Limitatio 1. Lex & Evangelium sunt opposita nimirum diversè, non verò contradictoriè. Lex n. non adversatur promissionibus Gal. 6. 3. v. 21. nec per fidem Lex evacuatur, aut irrita redditur; sed stabilitur Rom. 3. v. 31.

2. Lex & Evangelium sibi invicem opponuntur in Theoria; non autem in praxi. In theoria quidem opponuntur Novem illis gradibus, modo in medium allatis, & si qui adhuc plures dari poterint; in praxi v. conjunguntur, imò quovis centro Mathematico sunt conjunctiora, autore Luth. sup. Gal. 2. Nam ad pœnitentiam utrumque doctrinæ genus concurrir, 1. Lex efficiendo contritionem; Evangelium procreando fidem 2.

Lex

Lex omnes peccati reos esse, arguit, & damnat, Evangelium vero dum in solo Christo salutem esse quarendam pronunciat, omnes homines sub peccato conclusos esse *presupponit* 3. Lex jubet credere omni Dei verbo, Evangelium *v. proponit* hoc Dei verbum: v. g. quod Christus in cruce pro nobis sit mortuus: quod sit nostra iustitia, redemptio, & sanctificatio 1. Cor. 1. v. 30. 4. Lex arguit omnia peccata, ipsam insuper incredulitatem. Evangelium *v. monstrat* hoc omnium peccatorum esse maximum: Non credere in Christum Mediatorem.

22. Quibus ita *presuppositis* & *expeditis*; *Questio* illa, ultrò citroq; agitata: Num Evangelium sit concio *pœnitentis*? facili negotio decidi poterit. Porro ratio decidendi petenda est ex distinctione vocum Evangelii, & *pœnitentis*. Breviter: Evangelium est concio *pœnitentie*, & non est. Est in primâ & secundâ Evangelii acceptione, quatenus nimirum denotat universam Novi Test. doctrinam Mar. 1. v. 14. &c. Sic enim Evangelium non excludit sed includit legem ut Matth. 5. 6. 7. In quam sententiam trahendum est illud B. Luth. *essatum* Disp. 30. contra Antinomos. Christus *passim* per Evangelium arguit, increpat, minatur, terret, & similia legis officia exercet 2. quatenus capitur pro libris Evangelistarum: in quibus non tantum Evangelicæ, sed etiam legales conciones extant *exata*.

23. Non est in tertiâ significatione, sic enim opponitur pœnitentiæ, quoties hæc *pœnitentiæ* ac partialitèr sumitur, pro contritione, fidei oppositâ, eique contradistinctâ Mar. 1. v. 15. agite pœnitentiam, ac credere Evangelio. Et qui Evangelium poterit esse concio pœnitentiæ, cum hæc sit concio iræ & operum, illud verò gratiæ, beneficiorum & fidei?

24. Ubi tamen Colophonis loco notandum. Evangelium in tertia significatione acceptum, concionem pœnitentiæ cœteris paribus vocari & statui posse 1. ratione subiecti, quia annunciat gratiam solis pœnitentibus, adeoque agnitione peccatorum & sensu iræ divini contritis & humiliatis 2. ratione ordinis doctrinæ, & præsuppositionis concionis Legalis. Nam dum Evangelium in solo Christo salutem proponit, omnia extra Christum sub peccatum esse conclusa, præsupponit Rom. 11. v. 32. 3. ratione quarundam legis *explicationum*, quas Evangelium monstrat, suppeditando in praxi assumptionem, vel minorem propositionem v. g. *Quicumque est sub peccato, ille est maledictus*. Omnis qui non credit Evangelio nec credit in filium Dei, est sub peccato, & ira Dei manet super eum Joh. 3. vers. 36. Ergo est maledictus: In hoc syllogismo Major & conclusio sunt Legis, Assumptio v. Evangelii. Et sic accusatio incredulitatis, maledictio & damnatio, pertinent ad legem, Evangelii luce collustratam.

DE TERTIO.

25. Restat ut de *tertio* usu, heic aliquid ex *professo* brevissimis tamen lineolis moneamus. Diximus autem *suprà*: usum hunc *Tertium* legis (qui vulgo *didaxinòs* vocatur) concernere renatos, ac iustificatos; id quod probamus:

Primò à Christi ipsius *assertione ac mandato*.

Mat. 5. v. 20. seq. c. 6. c. 7. usque ad v. 5. 13. Joh. 13. v. 34. 35. ubi Salvator injungit discipulis suis jam renatis, legem de diligendo proximo: ut & c. 15. v. 12.

Secundò, à *proximi Apostolicà*, subinde legem renatis inculcante Rom. c. 6. *per tot. ut & c. 7. c. 8. v. 4. c. 12. c. 13. c. 14. c. 15. ad vers. 16. c. 16. v. 19. Gal. c. 5. v. 13. 14. 16. 1. Tim. c. 6. v. 13. 14. 17. 18. Tit. 1. v. 13. 14. 15. 16. c. 2. v. 1. 2. 3. 4. 5. 6. 7. 8. 9. 10. 12. 15. c. 3. v. 1. 2. 3. 8. 14. Heb. c. 12. v. 4. 5. 12. 13. 14. 15. seq. præfert. v. 28. c. 13. ad v. 22. Iacob. 1. v. 25. 26. 27. c. 2. v. 8. 9. 10. 11. 11. c. 4. v. 6. 7. 11. 12. c. 5. v. 12. 1. Pet. 1. v. 13. 14. 15. 16. c. 2. c. 3. ad v. 17. c. 4. c. 5. ad v. 10. 2. Pet. 1. ad v. 16. c. 2. ad fin. c. 3. v. 1. 2. 11. 14. 1. Ioh. 2. v. 3. 4. 5. 7. 8. 9. 10. 11. c. 3. v. 1. 3. 11. 23. c. 4. v. 7. 21. c. 5. v. 3. 21.*

Tertiò, à rationibus propter quas Lex renatis proponi, & inculcari debeat 1. ob peccatorum *agnitionem*, ut lex Dei ostendat imperfectionem, & immunditiem internam: ob quam opera renatorum evadunt imperfecta: adeò que arguat præsumtionem pharisaicam Rom. 7. v. 14. seq.

2. Ob cohibitionem veteris Adami, & excitationem novæ obœdientiæ, non Evangelicis tantum obtestationibus, sed & præceptis, exhortationibus, comminationibus & promissionibus legalibus.

3. Ob Normam obœdientiæ, & doctrinam quoad cultum divinum & bona opera, ut renati seiant, qui cultus, & qualia opera Deo placeant, ne excogitent novos cultus sine verbo Dei.

IV. Exegesis Antitheseos.

26. Hæretici circa doctrinæ præsens caput aberrantes, sunt tùm Veteres, tùm recentiores.

27. Inter veteres numerantur merito 1. Pharisei tempore Christi, iustitiam & vitam, æternam ex lege quærentes.

2. Pseudo-Apostoli tempore Pauli, Evangelium in legem transformantes: nec non leges ceremoniales, Ecclesiæ sub necessitate salutis obtrudentes. Atque hi peccarunt in Excessu. In defectu exorbitarunt 1. Cerdon Marcion, Valentinus, Manes & Manichei, doctrinam legis non esse à bono Deo ortam, sed à Diabolo blasphemè contendentes.

28. Circa, Evangelii doctrinam errarunt, quidam ex patribus, ut Iustinus Martyr, & Philosophus; Clemens Alexandrinus, Tertulianus &c. tria diver-

diversa Evangelia statuentes; ita ut homines ante *Mosen* per legem naturæ; post *Mosen* per legem *Leviticam*; sub *N. Test.* per legem *Evangelicam* salvatos esse contenderint: contra axioma primum de Evangelio.

V. De erroribus hodiernis circa hunc locum,

29. Tales v. sunt 1. Pontificiorum; Evangelium per novam legem propriè sic dictam, definitum, quæ sit multo gravior, & difficilior lege *Mosaicâ*: ita *Petrus à Soto*, in assertione, Catholica; ubi Evangelium literam occidentem appellat. Idem statuunt *Iesuite Coloniens*: in Censur: contendentes: Evangelium esse doctrinam de iustitiâ operum; vocemq; Evangelii esse: si vis ad vitam ingredi, serva mandata. Quos sequitur *Bellarminus* lib. 4. de Iustific. c. 2. ubi negat legem ab Evangelio differre, contendendo in Evangelio contineri omnia illa quæ nos soli legi tribuimus quæ sunt præcipuè tria 1. Leges propriè dictæ 2. comminationes & 3. promissiones cum conditione obœdientiz. Contra *Act. 15. v. 10. Rom. 10. v. 5. c. 4. v. 5. Gal. 3. v. 11. 12.* Ibidem c. 3. id solum modò discriminis agnoscit inter Legem & Evangelium, quale est inter doctrinam inchoatam & perfectam. Hinc legem seminari Evangelium v. arbori æquiparat. Porro negat

gat alicubi in V. Test. per Prophetas promulgatas fuisse promissiones de regno cœlorum, & vitâ eternâ. Contra Deut. 8. v. 3. c. 13. v. 15. 19. Lev. 18. v. 5. *vivet in eis*: ubi Targum Onkelosii reddit: *vitam eternam habet in eis*. Hinc Rabbi Ioseph. Ben Albo lib. 4. Ikarim, c. 39. de hoc dicto scribere sic haud dubitat: *Scripturæ contextus erincit; Mosén de vitâ aterna loqui*. Huic addit Deut. c. 32. v. 46. Psal. 25. v. 12. Prov. 11. v. 7. Zach. 3. v. 7. Nos insuper adjicimus Psal. 21. v. 5. 7. Psal. 22. v. 27. Esaie 45. v. 17. c. 51. v. 6. 8. 11. Promissiones insuper Evangelicæ extant Clarissimæ Gen. 3. v. 15. Deutr. 30. Esa. 53. c. 45. c. 63. Ier. 31. &c. Deterior itaq; hac in parte est doctrina Pontificiorum, quàm Iudeorum.

30. II. Calvinianorum: quorum plerique Gentiles ex solâ lege Naturæ, justificatos, & salvatos fuisse docuere.

Alii verò Evangelium per pœnitentiæ conditionem propriè definiendum esse, acritèr contendere; neq; ampliùs legis in Ecclesia usum necessariam esse; vel si quis sit, ad arguenda peccata, non omnia tamen exindè arguenda esse; sed illa tantum, quæ cum lege manifestè pugnent; incredulitatem verò, Filii ignorationem, & neglectionem; contemptum iræ, ac misericordiæ Dei; desperationem insuper: non ex lege sed ex Evangelio redargui oportere. Tales erant Crypto-Calviniani Wittebergenses circa annum Ch. 1558. & 1570. aliàs Antinomi, vel Nomomachi dicti, occasio-

nem

nem erroris præbente, primùm M. Iohanne Agri-
cola Islebio Ludimoderatore, post Ann. 1530.
38. tùm maxime Anno 1548. in cothurno illo
Metaxyco sive Interim: tùm Anno 1562. quem
B. ipse Luth. adhuc in vivis solidè confutavit.
Tom. 7. Ien. Germ. Tom. 1. lat. Ien. cui sese ad-
iunxere, D. Cassparus Guttelius Islebii, & Michael
Celsius Mansfeldi. Porro post fata B. Luth. etiam
Phil. Mel. in hunc errorem abreptus fuit, ad
quem unicè scholastici Wittebergenses provo-
carunt. A. 1558. contra Flacium: quos secuti A.
1571. Paulus Crellius, Christophorus Pezelius, con-
tra Wigandum & part. 4. objection. p. 84.
109. seq. Catechetistæ Witeberg. eodẽ anno, &
1572. His 2. strenuè sese opposuere Wigand.
Heshusius, Kerchnerus & alii Theologi Ienens. tùm
temporis succenturiatas tulere operas, Nico-
laus Gallus, Simon Musæus &c.

31. Sed nec hunc usq; in diem expiravit
in totum, error ille Antinomicus, legitur enim
in plerisq; Calvinianorum libris, ac prolixè de-
fenditur, uti videre est in Enchiridio Loc. com.
Isaaci Fegvernikini p. 236. ubi pœnitentiæ præ-
conium, negat legi competere in N. Test. alla-
tis 14. rationib. p. 237. 238. 239. id soli Evan-
gelio adscribendo.


32. III. Anabaptistarum, contendentium:
1. Patriarchas in V. T. de Evangelio, ac de vi-
æ æternæ promissionibus nil scivisse. 2. Le-
gem ex profcenio Ecclesiæ, relegandam esse ad
cutiam Quò pertinent etiã Libertini.

33. I V. Photinianorum Qui 1. æquè discrimen legis & Evangelii tollunt 2. vitæ æternæ ullam factam esse promissionem in V. Test. pernegant 3. Christum plurimas leges in Evangelio promulgasse nugantur cum Pontificiis 4. Legem moralem naturæ humanæ iustam esse, inficias eunt.

V. *Pleriq;* ex Orthodoxis, *Tertium* usum Legis non esse proponendum inculcandumvè, acriter disceptabant Anno 1562. & 1563. præsertim *Andreas Musculus*, qui tamen ab *Abdiâ Prætorio* erroris ad monitus, eisdem nuncium remisit.



Au.



Auctuarium Antitheseos

ex Dn. Chemnic. part. 2. L. C.
de Lege f. 106.

Contra Antinomos :

Nostro tempore Antinomi contenderunt. Legis usum tantum esse in externa politica, cum Deus in ipsa promulgatione ideò leges forenses seu politicas à Decalogo, distinxerit; ut ostenderet, alium esse usum Decalogi, quam politicum &c: Omnino igitur necessarium est, ut doctrina de usu Legis ex Veris scripturæ fundamentis extracta, rectè & perspicue in Ecclesiâ tradatur. Est a. Dei beneficio ex scriptis Apostolicis hodiè ita illustrata, & in locis tam commodà methodo, & perspicua divisione explicata, ut nec utile nec necesse sit prolixam texere commentaria. Videmus n. illos qui dissentientiendi libidine, ne quid videantur commune habere cum cæteris, quosq; pudet de iisdem eadem dicere, dum conantur hanc doctrinam, alia ratione & methodo proponere, nihil aliud efficere, quam quod opposita umbra clarissimum lumen obscurant.

Multum autem habet utilitatis hæc discendi ratio, in huiusmodi planis & perspicuis locis, ut scilicet consideretur Antithesis, quomodo

O 3 do

do eadem doctrina, ab aliis minus perspicuè & feliciter tradita sit, & quam fuerit difficile confusas illas disputationes evolvere, & tali perspicuitate illustrare, ut jam cuivis nota esse possit doctrina de triplici usu legis. Si omnes Patrum disputationes in unum conferantur; summa huc verè redibit: per legem ostendi peccatum, & infirmitatem naturæ, ut quæramus Medicum, cujus gratia natura ita sanctetur, ut legi possit nova obœdientia satisfacere, & ita salvari, juxta dictum: Qui fecerit hæc &c. Sed hæc nec satis explicatè, nec verè dicuntur. Item de disciplina non renatorum, à veteribus multa confuse sunt scripta, undè postea ortæ sunt falsæ & periculosæ disputationes de merito congrui Et si conferantur quæ in principio renascentis Evangelii, de usu legis disputata sunt, comperiet Lector tantum de uno usu dici, quod ostendat peccatum. Nunc etiam fanatici quidam clamitant: Non esse verum usum legis, ut renati inde discant bona opera, &c.

Quæsit a. Lutherus erudite in Galatis fundamenta hujus doctrinæ, & ita distribuit usum Legis, alium esse Politicum, alium Theologicum. Item Gal. 5. alium esse usum Legis in Justificandis, alium in justificatis. Et inde extructa est hæc divisio de triplici usu legis. Nota a. debent esse loca scripturæ in quibus sunt fundamenta hujus doctrinæ, de Politico agitur usu Paulus manifeste loquitur in 1. ad

Tim.

Tim. 1.
De sec.
& 5. v.
etiam
Rom.
Psal.

RE

D.


Mis

c

A

Rum fru
Cum

Tim. 1. v. 8. ad Rom. 1. v. 20. Ad Gal. 3. v. 19.
De secundo usu docet Paulus ad Rom. 3. v. 20.
& 5. v. 20. & 7. v. 7. ad Gal. 3. v. 24. Quod v.
etiam in renatis sit aliquis usus, clarè docet
Rom. 13. v. 8. ad Gal. 5. v. 14. Jer. 31. vers. 33.
Psal. 118.



In honorem
ORNATISS. DOMINI
RESPONDENTIS;
Sub præsidio

Clariss. & Excellentiss.

D. Doct. Cœlestini
Mislentæ; publicè de dis-
crim. Legis & Evangelii dis-
ceptantis.


Antinomus legem temnit, Iudeus Apella
Amens, Iucundum spernit Evangelium.
Num fructu duræ quercus quis vescitur inquit.
Cum Cereris nobis, munera parta patent?


Quo lex? affulsit cum nobis gratia Christi?
Quis probet obscuras sole nitente faces?
Peonia curans ope vulnera; sepe dolorem
Addens, sepe secans, num tibi vanus erit?
Qui trahitur flammis Vulcani ardentibus acris:
Ludentem gratus, laudat amatque manum!
Non semper tamen insistit medicamine tristi
Hippocrates, suavi pellit et arte malum.
Languida nectareo confirmat corda liquore
Atque oleum blandum, vinaque grata ferens.
Non semper prebe medicamina legis amara
Sunt et Evangelij vina ferenda reus.
Ille animæ medicus felix absynthia melli
Horrida; cælesti qui bene miscet ope.


αυτοαγιασι πνευματοι: Quartæ Mensæ
Commens. 10. Kalend. Octo-
brium Anni

ReDeMptor Christi Iesu ViVit.


F I N I S.







Biblioteka Jagiellońska



Biblioteka Jagiellońska



stdr0012641

